

Thursday, May 21, 2026

Time - 2:30pm - 2:35pm

AKASHVANI AIZAWL

REGIONAL NEWS UNIT

CONVENTION FOR WOMEN VC

Village Council Hmeichhe member te Inkhawmpui hmasa ber chu vawiin khan Aizawl Vanapa Hall-ah hman a ni a, Health Minister Pi Lalrinpuiin a hmanpui.

Thusawiin Pi Lalrinpuii chuan, ram pum thlir chuan hmeichhe dinhmun a sang lo thin a, tunah chuan khawsak phung mai bakah Politics huangah pawh hmasawna a nasa a - Mizoram in hmeichhe Cabinet Minister a nei ta hial chu chhinchhiah tlak a ni a ti.

Pi Lalrinpuii chuan hmeichhe dinhmun a san chhoh ve tak rual chiahin mawhphurhna a sang ve nghal tih a sawi a. Mahni hna leh chanvo hrechiang a, hmeichhe VC te chu thutkhawm pawimawhah te mahni ngaihnan thawh a, ngaihtuahna seng takzet turin a chah bawh a ni.

He huna thu sawitu dang West Tuipui bialtu MLA Pi Prova Chakma chuan hmeichhia te chu inchhung khura awm tam an nih avangin fa te enkawl that kawngah mawhphurhna an nei sang tih a sawi a, hemi rual hian ram rorelna kawngah pawh dinhmun pawimawh luantu an ni tih a sawi bawh.

Aizawl South III bialtu MLA Pi Baryl Vanneihnsangi pawhin thu sawiin, hmasawna hna tha taka thawh tur chuan Minister leh MLA te chauh ni loin am biala VC ten an lo thlawp that a pawimawh tih a sawi a, tanrual chuan thil harsa leh theih loh anga ngaih te pawh a tih theih thin tih a sawi a ni.

Tun dinhmunah Mizoram pumah hmeichhe VC member 908 an awm mek a ni.



HLIMEN PLAYGROUND

UD&PA minister Pu K. Sapdanga chuan Hlimen ah Aizawl Smart City Limited hnuai sak Hlimen Football khelmual a hawng a, he khelmual hi cheng vbc10 leh nuai 65 senga sak a ni.

Hawna inkhawmah hian Pu K. Sapdanga chuan thu sawiin, Ram pumah Mizote chu football khel thiam hriat an ni a, ISL leh I-league ah te pawh player chhuanawm tak tak an awm a ti a, he hmingthatna hi chhawm nun a nih zel theihna turin khelmual hawn thar pawh hian kawng ro tam tak a sut kuak ngei a beisei a ti a, field nuam satliah lo, thalai tam tak football lam a mi chhuanawm chher chhuaktu a lo nih a, hriselna kawngahte, mahni invawna kawngahte Hlimen khawtlang tan pawh malsawma thlen theitu a nih ngei a beisei thu a tarlang bawh a ni.

Bialtu MLA Pi Baryl Vanneihsang pawhin thu sawiin, Hlimen khawtlang tan ni chhinchhiah tlak tak a nih thu leh, khelmual hawn thar chu thalaite tan eizawna ngialnghet siam saktu a nih ngei a beisei thu a sawi baw k a ni.



MNF PR

MNF Party chuan thuchhuah siamin an party MNF Ministry-in Hlimen Playground changtlung leh rotling, harsatna hrang hrang karah playground tha an neih ngei theihna tura theihtawp a chhuah luihna zarah vawiina hawn theih a lo ni ta chu lawmawm an ti tih an sawi a. Hlimen khawtlang mipuite leh a chhehvela mipuite, a bikin thalai infiammiten an chhawr tangkai ngei theih nan leh, Mizote hming chhertu tur thalai tam tak chherchhuahna hmun a nih ngei theih nan MNF chuan duhsakna a hlan nghal a ni an ti.

Hlimen Playground bakah hian MNF Ministry huna bul tan leh thawh mek hawn theih mai tur ropui tak tak a la awm nual an ti a. Mizorama Football Stadium tha ber Durtlang Football Stadium, International Standard cheng vaibelchhe 22 hu chu March ni 17 khan hawn a lo ni tawh a. Hawn hmabak Mizo High School Field Playground (Multipurpose Ground at High Field, Zarkawt) te leh thawh mek Zemabaw k Playground leh Playground hrang hrang a la awm baw k an ti.

MNF chuan heng playground leh stadium ropui tak takte hi ram mipuite leh thalai infiammiten an chhawr tangkai kim theih hun a nghakhlel em em an ti a. Project kal lai mekte pawh tha taka thawh zawh thuai a nih theih nan State Sorkar lai chu theihtawp chhuaha thawk chhunzawm turin a chah nghal an ti a ni.



HEROIN SEIZED

Excise & Narcotics Department leh 14th Bn. Assam Rifles te thawkdun chuan Ningani zan zanlai pelh hnu khan Champhai District a Zote khaw kiang, By-Pass Road-ah Heroin gram 620 leh a neitu nia puh – Jaydanamul Barbhuiya kum 28 Lokanathpur, Cachar District, Assam-a khawsa nia inchhal an man.

Heroin No.4 te hi te hi Myanmar atanga lokal, Assam ram state chhung-a tihral tura ruahman a ni.

Heroin phurhna atana hman, TATA Truck pawh hrensak nghal a ni a. Heroin vanga man hi NDPS Act hmangin thubuai siamsak a ni a, District & Sessions Court, Champhai-ah hruai nghal a ni.

Kumin kumtir atanga May thla chhung hian Ruihhlo vanga nunna chan mi 21 -Mipa 18 leh Hmeichhia 3 chhinchhiah tawh an ni tih kan thudawna chuan a sawi.

